



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : YAN CHAI HOSPITAL NO.2 SECONDARY SCHOOL
学校名称 : 仁济医院第二中学
Name of Play 剧名 : 菲达的故事
Script writer 剧作者 : 黄翰贞 (导师)

Synopsis 故事大纲:

一个依然存在着奴隶制度的国家，奴隶用劳力赚取水和面包，同时受到种种不公平的对待。Z7832 一出世便是奴隶，他跟随过几个主人都对他很差，在塔利斯已经声名狼藉，没有主人会用他，因此他唯有到别的地方找寻工作。在 Z7832 最落魄的时候却遇上了一位自称商人的托尼，托尼正好需要一个人帮他拿笨重的行李前往市中心—科尔尼亚，于是 Z7832 答应帮他拿行李，二人一同前往科尔尼亚。Z7832 在途中见识到外面的世界，他开始有了自己的想法，开展了他不一样的生活...



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序

【晚里，菲达独自在书房中写书。】

Z (vo) : 对不起，原谅我可能会写得唔好，因为我唔系好识写，但系我好想将我嘅故事讲比你听，呢个系一个关于寻找自我嘅故事。

Z (vo) : 我系 Z7832，一出世就系一个奴隶，系一件货物，系别人嘅财产。爸爸系边个，妈妈系咩样，我全部都不记得。我净系记得，我喺塔利斯一个专门买卖儿童奴隶嘅地方长大，嗰度有好多同我差唔多年纪嘅细路 S8566 同 G9111 系我嘅朋友，我地都系被布洛克一手带大嘅。由出世开始我地就被教育成为一个称职嘅奴隶。直到我地 12 岁，我地就被当成一件货物咁被卖到去唔同嘅家族做奴隶。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场：儿童奴隶市场

【一个时代不明古时落后的异样国家，依然存在着奴隶制度。每个奴隶背上都有一个编号刺青。】

玛：布洛克！

【奴隶市场主管出来】

布：（恭敬地）系？

玛：上个月你度买嘅呢个细路偷懒唔做野！你仲话佢勤力？我要退货！我要返 500 个金币。

布：玛丽亚夫人，你已经用左佢一个月，条数唔系咁计架啲...

玛：咁几多？

布：300。

玛：400。

布：350。

玛：好。比返你。

【布洛克把金币交给玛丽亚夫人，玛丽亚夫人满意地离开。】

【布洛克递上一条毛巾给 S8566。】

布：抹下你块面呀，唔该！

S: Sir 你信我！我好勤力无偷懒 / / ...只系天气太热，我坐低饮左啖水...

布：无人想知呀！我呢度训练出黎嘅奴隶出晒名做得野，无一个好似你咁！你坐埋一边唔好烦我！

【S8566 低头坐到一边。】

Z: S8566 你去嗰度系点架？

G: 系嘢！快 D 讲比我地听丫！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

S: 做野好辛苦！我唔想再去喇！

G: 虽然做野系辛苦，但系至少有饭食。

Z: 系呀！布洛克话好彩嘅话会有床铺，凶得主人开心主人仲会比金币我地。

S: 但系做错小小野就会比人闹，甚至比人打，你睇下我手上嘅伤...

Z: 咁可能系你今次遇到个唔好嘅主啫人... // 我好想快 D 有主人买我返去，我一定会做到主人对我嘅要求。

G: 我都系！我想快 D 离开呢度。

Z (vo): 呢度就系我出世嘅地方——买卖儿童奴隶嘅市场，呢度环境好差，而且无足够嘅野食，所以我地个个都宁愿早日被卖出去，如果好彩 D 遇到个好嘅主人什至可能有被铺...呢个就系我地呢班细路嘅最大愿望。

布: S8566 过黎！

S: 咩事呀 Sir?

布: 上车，我送你去科尔尼亚。

S: 下？点解呀？

布: 科尔尼亚系大城市有好多有钱有权嘅人，科林先生系我相熟嘅朋友，系一个好好嘅主人，佢会比野你做。

S: 但系...

布: 你放心！嗰度系大城市，去到嗰度你就唔洗再做 D 粗重嘅工作，会舒服好多！

S: 真系嘅？多谢 Sir！多谢 Sir！

布: 快 D 去啦！我始终系睇住你大概，都唔想睇住你死架嘛！快 D 去执好你嘅野啦！

S: 知道！

【S8566 笑着向众人挥手道别】